



The Holy See

IOANNES PAULUS PP. IILITTERAE APOSTOLICAE *CUM HORAVENERABILIBUS* SERVIS DEI GEORGIO HAYDOCK ET SOCIIS MARTYRIBUS

BEATORUM HONORES DECERNUNTUR Ad perpetuam rei memoriam. – Cum «hora» Domini venit ut supremum perficeret sacrificium pro hominum salute, is est a Pilato interrogatus: «Tu es Rex ...?». Et Christus respondit: «Tu dicis quia rex sum ego. Ego in hoc natus sum et ad hoc veni in mundum, ut testimonium perhibeam veritati» (*Io* 18, 33. 37). Georgius Haydock eiusque Socii Martyres haud dubie dici possunt testes fuisse veritatis et regiae Christi maiestatis, cuius regnum non est de hoc mundo (cf. *Io*. 18, 36). Hi martyres sacrificio suo professi sunt omnem humanam potestatem a Deo venire, de eius Regno debere nos praecipuam et continuam agere curam, et oboedientiam eius legibus pluris esse quam quodlibet aliud officium ac fidelitatem. Significans est et animum movens haec principia usque ad martyrium culta esse a personis omnis aetatis et vitae generis. In his namque octoginta quinque martyribus, oriundis ab Anglia, a Cambria, a Scotia, ab Hibernia, sacerdotes inveniuntur et laici, docti et artifices atque operarii. Eorum maximus natus octoginta duorum annorum erat, minimus vero solummodo viginti duorum. Sacerdotes qui in his inveniuntur martyribus non nisi alere cupiebant fideles Pane vitae et Evangelii ex quo christiana pietas usque sustentatur: sciebant se hoc facientes in vitae discrimen venire; viginti duo laici, qui huius coetus participes sunt, sciebant se sacerdotibus cooperantes et assidentes eosque tuentes ac abscondentes, se mortis periculo offerre. Laici et sacerdotes coniuncti laborabant, coniuncti periculum capitis adibant etiam propter fidelitatem suam erga auctoritatem Successoris Petri, qui Pastor est totius Domini gregis. Hic est index nominum octoginta quinque martyrum, divisus pro ortu locis, indicatis cuiusque aetate verisimili, vitae genere, martyrii loco et anno. Eboracensis territorii Marmaduke Bowes, matrimonio coniunctus, filios habens, Eboraci, anno MDLXXXV; Franciscus Ingleby, sacerdos dioecesanus, triginta sex annorum, Eboraci, anno MDLXXXVI; Ioannes Fingley, sacerdos dioecesanus, triginta trium annorum, Eboraci, anno MDLXXXVI; Robertus Bickerdike, tiro, Eboraci, anno MDLXXXVI; Alexander Crow, sacerdos dioecesanus, triginta sex annorum, Eboraci, anno MDLXXXVI; Edmundus Sykes, sacerdos dioecesanus, triginta septem annorum, Eboraci, anno MDLXXXVII; Richardus Simpson, sacerdos dioecesanus, triginta quattuor annorum, Derventione, anno MDLXXXVII; Villelmus Spenser, sacerdos dioecesanus, triginta quattuor annorum, Eboraci, anno MDLXXXIX; Robertus Hardesty, famulus, Eboraci, anno MDLXXXIX; Nicolaus Horner, vestificus, Smithfield, anno MDLXXXX; Richardus Hill, sacerdos dioecesanus, viginti quinque annorum, Dunelmi, anno MDLXXXX; Ioannes Hogg, sacerdos dioecesanus, viginti quinque annorum, Dunelmi, anno MDLXXXX; Richardus Holiday, sacerdos dioecesanus, viginti quinque annorum, Dunelmi, anno MDLXXXX; Robertus Thorpe, sacerdos dioecesanus, unius et triginta annorum, Eboraci, anno MDXCI; Thomas Watkinson, viduus, Eboraci, anno MDXCI; Iosephus Lambton, sacerdos dioecesanus, viginti quattuor annorum, Novi Castri, anno MDXCII; Villelmus Knight, laicus, viginti trium annorum, Eboraci, anno MDXCVI; Villelmus Gibson, laicus, Eboraci, anno MDXCVI; Ioannes Bretton, matrimonio coniunctus, undeseptuaginta annorum, Eboraci, anno MDIIC; Petrus Snow, sacerdos dioecesanus, ordinatus anno MDXCI, Eboraci, anno MDIIC; Radulfus Grimston, matrimonio

coniunctus, Eboraci, anno MDIIC; Christophorus Wharton, sacerdos dioecesanus, sexaginta annorum, Eboraci, anno MDC; Eduardus Thwing, sacerdos dioecesanus, triginta quinque annorum, Lancastriae, anno MDC; Thomas Palaser, sacerdos dioecesanus, triginta annorum, Dunelmi, anno MDC; Ioannes Talbot, matrimonio coniunctus, Dunelmi, anno MDC; Robertus Middleton, sacerdos Societatis Iesu, triginta annorum, Lancastriae, anno MDCl; Thurstan Hunt, sacerdos dioecesanus, quadraginta sex annorum, Lancastriae, anno MDCl; Matthaeus Flathers, sacerdos dioecesanus, duodequingenta annorum, Eboraci, anno MDCVIII; Thomas Atkinson, sacerdos dioecesanus, unius et septuaginta annorum, Eboraci, anno MDCXVI; Nicolaus Postgate, sacerdos dioecesanus, octoginta duorum annorum, Eboraci, anno MDCLXXIX. Lancastriensis territorii Georgius Haydock, sacerdos dioecesanus, duodetriginta annorum, Tyburn, Londinii, anno MDLXXXIV; Vellelmus Thomson, sacerdos dioecesanus, viginti sex annorum, Tyburn, Londinii, anno MDLXXXVI; Ioannes Sandys, sacerdos dioecesanus, triginta quattuor annorum, Glevi, anno MDLXXXVI; Georgius Beesley, sacerdos dioecesanus, undetriginta annorum, Fleet Street, Londinii, anno MDXCI; Eduardus Osbaldeston, sacerdos dioecesanus, triginta quattuor annorum, Eboraci, anno MDXVIV; Robertus Nutter, sacerdos Ordinis Praedicatorum, quadraginta trium annorum, Lancastriae, anno MDC; Ioannes Tholes, sacerdos dioecesanus, duodequingenta annorum, Laneastriae, anno MDCXVI; Rogerus Wrenno, textor, quadraginta annorum, Laneastriae, anno MDCXVI; Eduardus Bamber, sacerdos dioecesanus, quadraginta sex annorum, Lancastriae, anno MDCXXXVI; Ioannes Woodcock, sacerdos Franciscanus, quadraginta trium annorum, Lancastriae, anno MDCXXXVI; Thomas Whitaker, sacerdos dioecesanus, triginta quinque annorum, Lancastriae, anno MDCXXXVI. Dunelmi Hugo Taylor, sacerdos dioecesanus, viginti sex annorum, Eboraci, anno MDLXXXV; Eduardus Burden, sacerdos dioecesanus, duodequingenta annorum, Eboraci, anno MDLXXXVIII; Ioannes Norton, matrimonio coniunctus, Dunelmi, anno MDC; Vellelmus Southerne, sacerdos dioecesanus, undequadraginta annorum, Novi Castri, anno MDCXVIII. Glevensis territorii Richardus Sergeant, sacerdos dioecesanus, duodetriginta annorum, Tyburn, Londinii, anno MDLXXXVI; Henricus Webley, laicus, Mile End Green, Londinii, anno MDLXXXVIII; Vellelmus Lampley, digitabularius, Glevi, anno MDLXXXVIII. Londinii Vellelmus Carter, typographus, triginta quinque annorum, Tyburn, Londinii, anno MDLXXXIV; Ioannes Lowe, sacerdos dioecesanus, triginta trium annorum, Tyburn, Londinii, anno MDLXXXVI; Alexander Blake, stabularius, Grays Inn Lane, Londinii, anno MDXC. Verovicensis territorii Robertus Dibdale, sacerdos dioecesanus, duodetriginta annorum, Tyburn, Londinii, anno MDLXXXVI; Robertus Grissold, laicus, Verovici, anno MDCIV. Buchingamiensis territorii Thomas Belson, scholasticus, viginti quinque annorum, Oxoniae, anno MDLXXXIX; Robertus Drury, sacerdos dioecesanus, undequadraginta annorum, Verovici, anno MDCVII. Dervationensis territorii Nicolaus Garlick, sacerdos dioecesanus, triginta trium annorum, Dervatione, anno MDLXXXVIII; Robertus Ludlam, sacerdos dioecesanus, triginta septem annorum, Dervatione, anno MDLXXXVIII. Dorsetiae Ioannes Adams, sacerdos dioecesanus, quadraginta trium annorum, Tyburn, Londinii, anno MDLXXXVI; Vellelmus Pike, faber lignarius, Dorcestriae, anno MDXCI. Herefordensis territorii Nicolaus Wheeler, sacerdos dioecesanus, triginta sex annorum, Tyburn, Londinii, anno MDLXXXVI; Rogerus Cadwallador, sacerdos dioecesanus, quadraginta quattuor annorum, Leominstriae, anno MDCX. Cantii Edmundus Duke, sacerdos dioecesanus, viginti septem annorum, Dunelmi, anno MDXC; Rogerus Filcock, sacerdos Societatis Iesu, undetriginta annorum, Tyburn, Londinii, anno MDCl. Lindensis territorii Richardus Yaxley, sacerdos dioecesanus, undetriginta annorum, Oxoniae, anno MDLXXXIX; Thomas Pormort, sacerdos dioecesanus, triginta duorum annorum, St Paul's Churchyard, Londinii, anno MDXCII. Oxoniensis territorii Stephanus Rowsham, sacerdos dioecesanus, duorum et triginta annorum, Glevi, anno MDLXXXVII; Georgius Nichols, sacerdos dioecesanus, undequadraginta annorum, Oxoniae, anno MDXXXIX. Staffordiensis territorii Robertus Sutton, sacerdos dioecesanus, ordinatus anno MDLXXVIII, Staffordia, anno MDLXXXVIII; Ioannes Sugar, sacerdos dioecesanus, quadraginta sex annorum, Verovici, anno MDCIV. Sussexiae Thomas Pilcher, sacerdos dioecesanus, triginta annorum, Durnovariae, anno MDLXXXVII; Thomas

Bullaker, sacerdos Franciscanus, undequadragesima annorum, Tyburn, Londinii, anno MDCXXXII. Cornubiae Ioannes Hambley, sacerdos dioecesanus, viginti septem annorum, Sorbioduni, anno MDLXXXVII. Cumbriae Christophorus Robinson, sacerdos dioecesanus, triginta annorum, Luvuvalli, anno MDLXXXVII. Middelsexiae Antonius Page, sacerdos dioecesanus, ordinatus anno MDXCI, Eboraci, anno MDXCIII. Norfolkiae Thomas Hunt, sacerdos dioecesanus, viginti sex annorum, Lindi, anno MDC. Northantiensis territorii Henricus Heath, sacerdos Franciscanus, quadraginta quattuor annorum, Tyburn, Londinii, anno MDCXXXIII. Northumbriae Georgius Errington, laicus, duorum et quadraginta annorum, Eboraci, anno MDXCVI. Suffolgiae Montford Scott, sacerdos dioecesanus, unius et quadraginta annorum, Fleet Street, Londinii, anno MDXCI. Vestmariae Thomas Sprott, sacerdos dioecesanus, undetriginta annorum, Lindi, anno MDC. Vigoriensis territorii Arturus Bell, sacerdos Franciscanus, quinquaginta duorum annorum, Tyburn, Londinii, anno MDCXXXIII. Scotiae Georgius Douglas, sacerdos dioecesanus, Eboraci, anno MDLXXXVII. Cambriae Richardus Flower, laicus, viginti duorum annorum, Tyburn, Londinii, anno MDLXXXVIII; Humfridus Pritchard, famulus, Oxoniae, anno MDLXXXIX; Vellelmus Davies, sacerdos dioecesanus, triginta quinque annorum, Beaumaris, anno MDXCIII. Hiberniae Carolus Meehan, sacerdos Franciscanus, undequadragesima annorum, Ruthin, Denbighshire, anno MDCLXXIX.

Ab annis mox mortem secuti hi Servi Dei veri martyres a populo habiti sunt, sed eorum Canonizationis Causa non nisi inchoari potuit post restitutionem Hierarchiae Catholicae in Britannia. Celebratus est Processus Ordinarius apud Curiam Vestmonasteriensem. Rebus peractis iure praescriptis et consuetis factis theologicis inquisitionibus exitu cum secundo a Consultoribus Theologis atque a Patribus Cardinalibus et Episcopis, die X mensis Novembris anno MCMLXXXVI coram Nobis vulgatum est Decretum, quo agnovimus memoratorum Servorum Dei mortem verum fuisse martyrium. Statuimus deinde ut Beatificationis ritus die XXII mensis Novembris anno MCMLXXXVII celebraretur. Hodie igitur, in Vaticana Basilica Sancti Petri Apostoli, inter sacra hanc ediximus formulam: «Nos, vota fratris nostri Basillii Hume, Archiepiscopi Vestmonasteriensis, necnon et aliorum Fratrum in Episcopatu ex Anglia, Cambria et Scotia, multorumque christifidelium explentes, de Congregationis pro Causis Sanctorum consulto, Auctoritate Nostra Apostolica facultatem facimus, ut Venerabiles Servi Dei Georgius Haydock et octoginta quattuor Socii, Martyres, Beatorum nomine in posterum appellentur, eorumque festum die quarta Maii insimul cum Martyribus Angliae et Cambriae, in locis et modis iure statutis quotannis celebrari possit. In nomine Patris et Filii et Spiritus Sancti». Quae autem his Litteris decrevimus nunc et in posterum firma esse volumus. *Datum Romae, apud S. Petrum, sub anulo Piscatoris, die XXII mensis Novembris, anno MCMLXXXVII, Pontificatus Nostri decimo.* AUGUSTINUS card. CASAROLI a publicis Ecclesiae negotiis © Copyright 1987 - Libreria Editrice Vaticana